

Qaasuitsup Kommuniani Ingerlatsivimmi Uummannami qassusersorluni qalerallinniarnermi ileqqoreqqusaq.

Inatsisartut aalisarneq pillugu inatsisaat nr. 18, 31. oktober 1996-imeersumi § 23
naapertorlugu imatut aalajangersaasoqarpoq:

§ 1. Ileqqoreqqusaq Qaasuitsup Kommuniani ingerlatsivimmut Uummannamut atuuppoq.
Imm. 2. Ingerlatsivimmi matumani pineqarpoq Uummannap Kommunerisimasaata nunataa
tamarmi.

§ 2. Ileqqoreqqusami pineqarpoq umiatsiaararsorluni sikukkullu qassusersorluni
qalerallinniarneq. Ileqqoreqqusami pineqarput aalisariutit 75 BRT/120 BT-niit minnerusut.

§ 3. Qassusersorluni qalerallinniarneq piffissani ukunani ingerlanneqarsinnaavoq:

1. 1. Januar – 28./29. Februar
2. 1. Maj – 30. Juni
3. 1. November – 31. december

§ 4. Qassusersorluni qalerallinniarnermi qassutit isui illuttut tamarmik puttaqutini
nalunaaqutsersimasassapput.

Imm. 2. Angallatit 28 fodinit anginerusut qassutaasa puttaqutininut allunaasaat minnerpaamik
10 mm-terisut silitsigissaaq.

Imm. 3. Angallatit 28 fodinit minnerusut aalisarneranni sikumiillu aalisarnermi puttaqutininut
allunaasap silissusaa minnerpaamik 8 mm-teriusaaq.

Imm. 4. Sikumi aalisartut qassutaasa puttaqutininut allunaasaat minnerpaamik 6 mm-terisut
silitsigissaaq.

Imm. 5. Pissutsit ajornartinnagit qassutit kivisinneranniit sapinngisamik nal. ak. 24 tiimit
iluini qaqqinneqarsimassapput.

§ 5. Aalisarnermi atortut piginnittup aqqanik najugaanillu imaluunniit angallatip aqqanik
ilisarnaataanillu nalunaaqutsersimasassapput. Ilisarnaatit imermi atugassiaassapput.

§ 6. Qassutaarsiutinik piginnittut qassutaarsiutitik erngertumik qaqqinniartassavaat.

Imm. 2. Aamma qassutaarsiutinik piginnittut qassutaarsernertik piniarnermik nakkutilliisumut
erngertumik nalunaarutigissavaat, qassutit sumi annaaneqarnerisut nalunaarsorneqarnissaat
siunertaralugu.

§ 7. Sumiiffinni ataani nalunaarsorneqarsimasuni qassusersorluni qalerallinniarneq
inerteqqutaavoq:

Imm. 1.

Nuugaatsiap tunua – Kangilleq:

1. 71°41,3N – 52°44,0W
2. 71°40,2N – 52°45,0W
3. 71°36,0N - 53°03,2W
4. 71°31,6N – 52°58,0W
5. 71°30,8N – 52°54,2W
6. 71°27,8N - 52°52,0W

Imm. 2.

Alfred Wegener Halvø – Torsukattak:

- 7. 71°06,1N – 52°02,5W
- 8. 71°01,7N - 51°56,5W

Imm. 3.

Itilliarsuup Kangerdlua:

- 9. 70°47,4N - 51°08,0W
- 10. 70°51,8N - 51°08,4W

Imm. 4.

Ikerasak – Drygalskis Halvø

- 11. 70°31,0N – 51°55,1W
- 12. 70°34,9N – 51°40,0W
- 13. 70°35,0N – 51°36,0W
- 14. 70°38,5N – 51°22,0W
- 15. 70°38,6N – 51°21,2W
- 16. 70°37,5N – 51°12,2W

Pineqaatissiinerit.


§ 8. Ileqqoreqqusami matumani §§ 2 – 7-imi pineqartunik unioqquitsisoqartillugu akiligassiisoqarsinnaavoq.

Atuutilersinneqarnera.

§ 9. Ileqqoreqqusaq manna avammut saqqummiunneqarnerminiit kingusinnerpaamik ullut 14-t qaangiunneranni atuutilissaaq.

Stk. 2 Tamatuma malitsigisaanik ingerlatsivik Uummannami qassusersorluni qaleralinniarsinnaanermut ileqqoreqqusaq 15. januar 2010-meersoq atorunnaarsinneqarpoq.

Taamaalilluni Qaasuitsup Kommuniiani Kommunalbestyrelsimit, ulloq 25. januar 2010 akuersissutigineqarpoq.



Jess Svane (Borgmester)

Qaasuitsup kommuneata qassusersorluni qaleralinniarneq pillugu ileqqoreqqusaa Aalisarneq pillugu Inatsisartut inatsisaanni nr. 18, 31. oktober 1996-imeersumi § 23 naapertorlugu aalajangersarneqarpoq.

Namminersorlutik Oqartussat, ulloq 25. januar 2010.



Ane Hansen

Aalisarnermut, Piniarnermut Nunalerinermullu Naalakkersuisoq